



Broj: 05/1-50-15-26-22-3/23

Sarajevo, 28. 3. 2023.

ZAPISNIK

22. sjednice Nezavisnog odbora Parlamentarne skupštine BiH

Sjednica je održana 28. 3. 2023, s početkom u 17.15 sati.

Sjednicu je sazvao Enes Obraliya, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdrob, Mate Miletić, Nikola Džambas, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili Zoran Žuža iz Sektora za odnose s javnošću Sekretarijata Parlamentarne skupštine BiH, Michael Haner, predstavnik OHR-a, te Dijana Stevanović, predstavница Delegacije Evropske unije u Bosni i Hercegovini.

Sjednicom je predsjedavao predsjednik Nezavisnog odbora Enes Obraliya.

Konstatirajući da postoji kvorum, otvorio je 22. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 21. sjednice Nezavisnog odbora;

2. Razmatranje dopisa Granične policije BiH, broj: 17-01-34-7-1861/23 od 23. 2. 2023, zaprimljenog u Pisarnici Parlamentarne skupštine BiH 24. 2. 2023, broj: 05/1-50-17-260/23 i 05/1-50-17-422/23;
3. Razmatranje dopisa Ministarstva sigurnosti BiH, broj: 04-50-1435-2/23 od 20. 2. 2022, zaprimljenog u Pisarnici Parlamentarne skupštine BiH 22. 2. 2023, broj: 05/1-50-17-452/23;
4. Razmatranje dopisa Institucije ombudsmena za ljudska prava BiH, broj: Ž-SA-06-158/23 od 6. 3. 2023, zaprimljenog u Pisarnici Parlamentarne skupštine BiH 9. 3. 2023, broj: 05/1-12-1-579/23;
5. Obavještenje Ministarstva sigurnosti BiH, broj: 08-2-04-4-7319-56/21-AD od 15. 3. 2023, zaprimljeno u Pisarnici Parlamentarne skupštine BiH 17. 3. 2023, broj: 05/1,05/8-50-18-729-2/22;
6. Dopis Kolegija Sekretarijata Parlamentarne skupštine BiH, broj: 03-04-630/23 od 14. 3. 2023;
7. Razmatranje pristiglih prijava na Javni konkurs za provođenje procedure izbora kandidata za direktora i zamjenika direktora policijskih tijela Bosne i Hercegovine;
8. Tekuća pitanja.

Ad. 1. Usvajanje Zapisnika 21. sjednice Nezavisnog odbora

Zapisnik 21. sjednice Nezavisnog odbora usvojen je jednoglasno, bez primjedbi.

Ad. 2. Razmatranje dopisa Granične policije BiH, broj: 17-01-34-7-1861/23 od 23. 2. 2023, zaprimljenog u Pisarnici Parlamentarne skupštine BiH 24. 2. 2023, broj: 05/1-50-17-260/23 i 05/1-50-17-422/23

U uvodu u ovu tačku dnevnog reda predsjednik Nezavisnog odbora Enes Obralića istakao je da je, u skladu sa zaključkom s prošle sjednice, a prilikom razmatranja anonimnih predstavi, direktor Granične policije BH dostavio očitovanje na predstavke, te otvorio raspravu. Nakon rasprave, u kojoj je učestvovala većina članova Nezavisnog odbora, dopis - očitovanje direktora Granične policije jednoglasno je primljen k znanju.

Ad. 3. Razmatranje dopisa Ministarstva sigurnosti BiH, broj: 04-50-1435-2/23 od 20. 2. 2022, zaprimljenog u Pisarnici Parlamentarne skupštine BiH 22. 2. 2023, broj: 05/1-50-17-452/23

U uvodu u ovu tačku dnevnog reda predsjednik Nezavisnog odbora Enes Obralića istakao je da je ovo tijelo zaprimilo dopis Ministarstva sigurnosti BiH u kojem od Nezavisnog odbora traži da se očituje na prigovor Transparency Internationala koji su dostavili u prilogu. Također, naglasio je da prigovor Transparency Internationala, što je vidljivo iz njihovog dopisa, nije upućen Nezavisnom odboru, nego Ministarstvu sigurnosti BiH i Instituciji ombudsmena za ljudska prava BiH. Predsjednik je istakao da je pripremio i odgovor koji bi bio upućen Ministarstvu sigurnosti BiH, pročitao ga te otvorio raspravu. Nakon rasprave, u kojoj je učestvovala većina članova Nezavisnog odbora, a s obzirom da članovi nisu imali prijedlog odgovora na uvid prije sjednice, zaključeno je da sekretar Nezavisnog odbora sutra e-mailom dostavi taj prijedlog članovima, nakon čega će se usaglašavati.

Ad. 4. Razmatranje dopisa Institucije ombudsmena za ljudska prava BiH, broj: Ž-SA-06-158/23 od 6. 3. 2023, zaprimljenog u Pisarnici Parlamentarne skupštine BiH 9. 3. 2023, broj: 05/1-12-1-579/23

U uvodu u ovu tačku dnevnog reda predsjednik Nezavisnog odbora Enes Obralića istakao je da je ovo tijelo zaprimilo dopis Institucije ombudsmena za ljudska prava BiH u kojem se od Nezavisnog odbora traži izjašnjenje na navode po žalbi kandidata u postupku izbora i imenovanja direktora Direkcije za koordinaciju policijskih tijela BiH. Kao i u prethodnoj tački dnevnog reda, predsjednik je istakao da je pripremio odgovor – izjašnjenje po svim navodima iz žalbe koji bi bio upućen Instituciji ombudsmena za ljudska prava BiH, pročitao ga te otvorio raspravu. U raspravi koja je uslijedila Milan Stanić, član Nezavisnog odbora, istakao je kako smatra da se u pročitanoj izjašnjenju Nezavisni odbor za nešto pravda. Smatra da je potrebno istaći da je Nezavisni odbor radio u skladu sa svojim zakonskim propisima, poslali su rang-listu onome kome je trebalo da o tome odlučuje i ne treba se upuštati u to ko je izabran. Također, kao i većina članova koja je učestvovala u raspravi, smatra da je potrebno predmetni materijal dostaviti na uvid prije glasanja. Nakon rasprave, a s obzirom da članovi nisu imali prijedlog odgovora - izjašnjenja na uvid prije sjednice, zaključeno je da sekretar Nezavisnog odbora sutra e-mailom dostavi taj prijedlog članovima, nakon čega će se usaglašavati.

Ad. 5. Obavještenje Ministarstva sigurnosti BiH, broj: 08-2-04-4-7319-56/21-AD od 15. 3. 2023, zaprimljeno u Pisarnici Parlamentarne skupštine BiH 17. 3. 2023, broj: 05/1,05/8-50-18-729-2/22

U uvodu u ovu tačku dnevnog reda predsjednik Nezavisnog odbora Enes Obralija istakao je da je Nezavisni odbor zaprimio dopis Ministarstva sigurnosti BiH u vezi sa Izvještajem o evaluaciji BiH u petom krugu evaluacije GRECO-a u kojem se pozivaju nadležne institucije BiH da preduzmu aktivnosti (iz svoje nadležnosti) u provođenju preporuka GRECO-a iz petog kruga evaluacije. Podsjećanja radi, predsjednik Nezavisnog odbora istakao je da je Nezavisni odbor na prošloj sjednici jednoglasno primio k znanju Izvještaj o evaluaciji BiH u petom krugu evaluacije GRECO-a.

S obzirom na to da o ovom pitanju nije bilo rasprave, članovi Nezavisnog odbora jednoglasno su dopis primili k znanju.

Ad. 6. Dopis Kolegija Sekretarijata Parlamentarne skupštine BiH, broj: 03-04-630/23 od 14. 3. 2023.

U uvodu u ovu tačku dnevnog reda predsjednik Nezavisnog odbora Enes Obralija istakao je da je Nezavisni odbor zaprimio obavještenje Kolegija Sekretarijata Parlamentarne skupštine BiH u vezi s članom Nezavisnog odbora Enesom Bezdrobom i njegovim pristupom tajnim podacima. Obavještavaju ovo tijelo da će državni sigurnosni organ obavijestiti Parlamentarnu skupštinu BiH o formalnom oduzimanju ili neoduzimanju dozvole za pristup tajnim podacima članu Nezavisnog odbora Enesu Bezdrobu. S obzirom na to da je i dosadašnja praksa bila da se član o kojem se raspravlja izuzima iz rasprave, predsjednik je zamolio gosp. Bezdroba da napusti sjednicu do okončanja rasprave o ovoj tački dnevnog reda.

Nakon duže rasprave, u kojoj je učestvovala većina članova Nezavisnog odbora, a u kojoj se nisu mogli usaglasiti da li Enes Bezdrob ima pravo ravnopravno učestvovati u radu Nezavisnog odbora sa izuzetkom pristupa tajnim podacima koji budu označeni stepenom tajnosti, kao i da li ima pravo odlučivati u Javnom konkursu, odnosno postupku odabira kandidata za direktora Direkcije za koordinaciju policijskih tijela BiH i zamjenika direktora Granične policije BiH, zauzet je stav da se član Nezavisnog odbora Enes Bezdrob pozove da se sam izjasni o daljnjem postupanju. Enes Bezdrob je nakon povratka na sjednicu istakao, ako će to olakšati članovima Nezavisnog odbora i izbjeći neke pretpostavke, da će se odreći tog prava, mada nerado, i izuzeti

se u odlučivanju u ovom postupku odabira kandidata za direktora Direkcije za koordinaciju policijskih tijela BiH i zamjenika direktora Granične policije BiH, te napustio sjednicu.

Ad. 7. Razmatranje pristiglih prijava na Javni konkurs za provođenje procedure izbora kandidata za direktora i zamjenika direktora policijskih tijela Bosne i Hercegovine

Na početku rasprave o ovoj tački dnevnog reda za riječ se javio Milan Stanić, član Nezavisnog odbora, koji je istakao da, ako Enes Bezdob nema pravo da učestvuje u postupku izbora kandidata za direktora Direkcije za koordinaciju policijskih tijela BiH i zamjenika direktora Granične policije BiH jer mu je oduzeta dozvola za pristup tajnim podacima, a on kao i Nikola Džambas još nikada nisu dobili dozvolu, iz principijelnih razloga napušta sjednicu jer bi neko sutra mogao podnijeti prigovor i na njegovo prisustvo i učešće u navedenom postupku. Nakon toga, za riječ se javio Darko Kremenović koji je istakao da se on solidariše s Milanom Stanićem te napušta sjednicu.

Predsjednik Nezavisnog odbora Enes Obralića konstatirao je da od ovog momenta nema kvoruma i završio sjednicu u 18.45 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića